



BOSNIA AND HERCEGOVINA  
MINISTRY OF FINANCE  
AND TREASURY

SREDIŠNJA/CENTRALNA HARMONIZACIJSKA JEDINICA  
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 01-1-16-5-185-4/16  
Sarajevo, 20.07.2016. godine

PARLAMENTARNA SKUPŠTINA  
BOSNE I HERCEGOVINE

Dom naroda  
Komisija za finansije i budžet  
Sarajevo  
Trg BiH 1

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:		21-07-2016	
Organizaciona jedinica	Klasifikaciona oznaka	Redni broj	Broj priloga
02/3-16-1-185	3/6		

**Predmet:** Informacija o planiranim i preduzetim aktivnostima na realizaciji preporuka iz Izvještaja o obavljenoj reviziji učinka o temi „Uspostavljanje javnih internih finansijskih kontrola (PIFC)“

**Veza:** Vaš akt 02-50-6-16-12,10/15 od 10.12.2015. godine

Poštovani,

Postupajući u skladu sa Zaključkom Predstavničkog doma Parlamentarne skupštine BiH, broj 01-50-1-15-20/15 od 24.11.2015. godine koji se odnosi na izvještavanje o aktivnostima i planovima po Izvještaju revizije učinka na temu „Uspostavljanje javnih internih finansijskih kontrola (PIFC)“, Vijeće ministara BiH je na 34. sjednici, održanoj 09.12.2015. godine, zadužilo Centralnu harmonizacijsku jedinicu Ministarstva finansija i trezora BiH (CHJ MFiT) da obavijesti Komisiju za finansije i budžet Predstavničkog doma PS BiH o planiranim i preduzetim aktivnostima na realizaciji preporuka iz Izvještaja. Također, i Dom naroda Parlamentarne skupštine BiH svojim zaključkom broj 02-50-6-16-12,10/15 od 10.12.2015. godine zadužio je Vijeće ministara BiH i sve institucije Bosne i Hercegovine da hitno realizuju sve preporuke navedene u Izvještaju revizije učinka o temi „Uspostavljanje javnih internih finansijskih kontrola (PIFC)“

S tim u vezi obavještavamo vas o sljedećem:

1. Centralna harmonizacijska jedinica, u skladu s članom 25. Zakona o internoj reviziji institucija BiH („Službeni glasnik BiH“, broj 27/08 i 32/10) izradila je Konsolidovani izvještaj o sistemu interne revizije u institucijama BiH za 2015. godinu. Godišnji konsolidovani izvještaj o sistemu interne revizije daje osnovne podatke o sistemu interne revizije u institucijama BiH, podatke o aktivnostima CHJ MFiT BiH, podatke o jedinicama interne revizije, internim revizorima, kao i podatke o izvršenim internim revizijama u institucijama BiH. Godišnji konsolidovani izvještaj o sistemu interne revizije u institucijama BiH dostavljen je Vijeću ministara BiH u zakonskom roku. Vijeće ministara upoznalo se s Konsolidovanim izvještajem interne revizije u institucijama BiH za 2015. godinu i donijelo Zaključke kojima se preciziraju zaduženja CHJ MFiT, institucijama BiH koje su u obavezi uspostaviti jedinice interne revizije i rukovodiocima uspostavljenih jedinica interne revizije u vezi s uspostavljanjem funkcionalne interne

revizije u institucijama BiH (Obavijest o Zaključku Vijeća ministara broj: 05-07-1-1-1290-21/16 od 27.04.2016. godine).

CHJ MFiT poslala je svim jedinicama interne revizije i institucijama BiH obavijesti o Zaključcima Vijeća ministara. Godišnji konsolidovani izvještaj interne revizije u institucijama BiH za 2015. godinu objavljen je na web stranici Ministarstva finansija i trezora BiH.

2. U skladu s članom 33f. stav (2) tačka h) Zakona o finansiranju institucija Bosne i Hercegovine („Službeni glasnik BiH“ broj 61/04, 49/09, 42/12, 87/12, 32/13, 61/14 i 98/14) i članom 5. Pravilnika o godišnjem izvještavanju o sistemu finansijskog upravljanja i kontrole u institucijama BiH, CHJ MFiT BiH putem Ministarstva finansija i trezora BiH dostavila je Vijeću ministara Konsolidovani godišnji izvještaj o sistemu finansijskog upravljanja i kontrole u institucijama BiH za 2015. godinu. Konsolidovanim izvještajem o sistemu finansijskog upravljanja i kontrole Vijeće ministara BiH informisano je o stanju finansijskog upravljanja i kontrole u institucijama BiH, ostvarenom napretku i budućim pravcima razvoja finansijskog upravljanja i kontrole u institucijama BiH. Posebno su obrazložene aktivnosti CHJ MFiT na realizaciji zakonskih obaveza iz oblasti finansijskog upravljanja i kontrole i dostignuti nivo usklađenosti propisa koji se primjenjuju u institucijama BiH s preporukama i praksama EU.

CHJ MFiT BiH je, postupajući po Zaključku Doma naroda Parlamentarne skupštine BiH broj: 02-50-6-16-2,1/15, od 05.03.2015. godine i zahtjevu Kolegija Doma naroda broj: 02-50-7-17-21,7 od 02.03.2016. godine, **Parlamentarnoj skupštini BiH 18.05.2016. godine** dostavila Konsolidovani izvještaj o sistemu finansijskog upravljanja i kontrole u institucijama BiH za 2015. godinu. Konsolidovani izvještaj sveobuhvatno i sistematično prezentuje stanje u oblasti uvođenja i razvoja sistema finansijskog upravljanja i kontrole u institucijama BiH, tako da dostavljeni Konsolidovani izvještaj o sistemu finansijskog upravljanja i kontrole predstavlja dokument koji se može smatrati sastavnim dijelom ove informacije.

3. CHJ MFiT BiH je, u skladu s Reformskom agendom i Zaključkom Vijeća ministara BiH s 21. sjednice održane 02.09.2015. godine, obavezna izraditi prijedlog nove Strategije javne interne finansijske kontrole u institucijama BiH za period 2016-2018. godina. Naime, Vijeće ministara BiH je, nakon razmatranja Izvještaja revizije učinka na temu „Uspostavljanje javnih internih finansijskih kontrola u institucijama BiH“, zadužilo Ministarstvo finansija i trezora i CHJ MFiT da, u saradnji s Evropskom komisijom, pripreme prijedlog nove razvojne strategije PIFC-a koja će uvažavati savremene pristupe povezivanja sistema internih finansijskih kontrola s reformama budžetskog sistema i koja će biti zasnovana na usmjerenosti na rezultate i učinke, programskom budžetiranju, kao i na povezivanju strateškog i srednjoročnog planiranja i provođenja politika s procesima srednjoročnog i godišnjeg budžetiranja.

S tim u vezi, CHJ MFiT BiH pripremila je nacrt nove Strategije javne interne finansijske kontrole u institucijama BiH (PIFC) za period 2016-2018, koji je putem Delegacije Evropske unije u BiH prosljeđen na mišljenje SIGMI i Generalnoj direkciji za budžet Evropske komisije (EK). Nakon što SIGMA i Generalna direkcija za budžet EK daju preporuke i sugestije, CHJ MFiT Strategiju PIFC-a uputit će Vijeću ministara na usvajanje.

4. Koordinacioni odbor CJH, kojeg čine rukovodioci Centralnih harmonizacijskih jedinica Ministarstva finansija i trezora BiH, Federalnog ministarstva finansija i Ministarstva finansija Republike Srpske, a koji je zadužen za harmonizaciju i koordinaciju okvirnih propisa iz oblasti javne interne finansijske kontrole, ponovo je počeo s radom početkom 2016. godine.

Zaključno s 15.05. 2016. godine, Koordinacioni odbor CJH održao je tri sjednice na kojima je usvojen program rada za 2016. godinu, izvršeno usaglašavanje projektnog zadatka za realizaciju odobrenog projekta podrške razvoju PIFC-a iz programa IPA 2015, usaglašena metodologija i okvirni sadržaj stateškog dokumenta razvoja PIFC-a do 2018.

godine, te na taj način stvoreni uslovi da se oblast PIFC-a uspostavlja i razvija harmonizovano na svim upravnim nivoima u BiH.

S poštovanjem,



**Dostaviti:**

- naslovu,
- a/a.

**Prilog:**

- Zaključci Vijeća ministara br. 05-07-1-2215-11/15; 05-07-1-1290-21/16; 05-07-1-1290-21/16
- Kopija dokumenta o dostavi Konsolidovanog izvještaja o sistemu finansijskog upravljanja i kontrole Parlamentarnoj skupštini BiH broj 03-1-16-8-22-72/16 od 17.05.2016. godine

CENTRALNA/SREDIŠNJA HARMONIZACIJSKA JEDINICA  
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-16-8-22-72/16  
Sarajevo, 17.05.2016. godine

PARLAMENTARNA SKUPŠTINA BOSNE I HERCEGOVINE  
Trg BiH 1  
71.000 Sarajevo

*Amir*  
18.05.16

**Predmet: Dostava Godišnjeg konsolidovanog izvještaja o sistemu finansijskog upravljanja i kontrole za 2015. godinu**

Poštovani,

Obavještavamo vas da je Savjet ministara BiH, uvažavajući Zaključak Doma naroda Parlamentarne skupštine BiH broj: 02-50-6-16-2,1/15, od 05.03.2015. godine i urgenciji broj: 02-50-7-17-21,7 od 02.03.2016. godine, zadužio Centralnu harmonizacijsku jedinicu Ministarstva finansija i trezora Bosne i Hercegovine da Parlamentarnoj skupštini BiH dostavi Konsolidovani izvještaj o sistemu finansijskog upravljanja i kontrole u institucijama BiH za 2015. godinu.

Naime, CHJ Ministarstva finansija i trezora u skladu sa odredbama člana 33f. stav (2) tačka h) Zakona o finansiranju institucija Bosne i Hercegovine („Službeni glasnik BiH“ broj: 61/04, 49/09, 42/12, 87/12 i 32/13), između ostalog, nadležna je za izradu konsolidovanog godišnjeg izvještaja o sistemu finansijskog upravljanja i kontrole u institucijama BiH.

S obzirom da je CHJ izradila Konsolidovani izvještaj o sistemu finansijskog upravljanja i kontrole u institucijama BiH za 2015. godinu i da se Savjet ministara Bosne i Hercegovine, na 53. sjednici održanoj 26.4.2016. godine, upoznao sa Konsolidovanim izvještajem, kao i da Izvještaj sveobuhvatno i sistematično prezentuje stanje u oblasti uvođenja i razvoja sistema finansijskog upravljanja i kontrole u institucijama BiH, na ovaj način će se i nadležna tijela Parlamentarne skupštine informisati o izvršavanju zakonskih obaveza vezano u oblasti finansijskog upravljanja i kontrole.

U prilogu vam dostavljamo Konsolidovani izvještaj o sistemu finansijskog upravljanja i kontrole u institucijama BiH za 2015. godinu na sva tri službena jezika u BiH.

S poštovanjem,

Prilog: Kao u tekstu





Broj: 05-07-1-2215-11/15  
Sarajevo, 3. 9. 2015. godine

BOSNA I HERCEGOVINA  
MINISTARSTVO FINANSIJA I TREZORA  
CENTRALNA HARMONIZACIONA JEDINICA BiH

PRIMLJENO:	08-09-2015		
Org. jedinica:	01-1	05-3	283-11/15

- **MINISTARSTVO FINANSIJA I TREZORA**  
*n/r tajnika Ministarstva*
- **CENTRALNA HARMONIZACIONA JEDINICA BiH**
- **URED KOORDINATORA ZA REFORMU JAVNE UPRAVE**

**SARAJEVO**

**PREDMET:** Obavijest o zaključku Vijeća ministara BiH

Vijeće ministara Bosne i Hercegovine, na 21. sjednici održanoj 2. 9. 2015. godine, primilo je na znanje Izvještaj revizije učinka na temu „Uspostava javnih internih finansijskih kontrola (PIFC-a) u institucijama Bosne i Hercegovine“, s preporukama, a koji je pripremio Ured za reviziju institucija Bosne i Hercegovine.

Zadužuju se Ministarstvo finansija i trezora i Centralna harmonizaciona jedinica Bosne i Hercegovine da u saradnji s Evropskom komisijom pripreme i Vijeću ministara dostave prijedlog nove razvojne strategije za provođenje javne interne finansijske kontrole u institucijama Bosne i Hercegovine, koja će uvažavati savremene pristupe povezivanja sistema internih kontrola s reformama budžetskog sistema i koja će se zasnivati na usmjerenosti na rezultate i učinke, programskom budžetiranju, kao i na povezivanju strateškog i srednjoročnog planiranja i provođenja politika s procesima srednjoročnog i godišnjeg budžetiranja. Prilikom upućivanja Izvještaja revizije učinka Parlamentarnoj skupštini Bosne i Hercegovine, potrebno je priložiti i izjašnjenje Centralne harmonizacione jedinice BiH na isti, radi jasnijeg sagledavanja predmetne problematike.

Također, zadužen je Ured koordinatora za reformu javne uprave da sačini plan za praćenje realizacije preporuka i informira Vijeće ministara o njihovom provođenju.

O zaključku vas informiramo radi njegove provedbe.


S poštovanjem,

Co: Ured za reviziju institucija BiH





Broj: 05-07-1-1290-22/16  
Sarajevo, 27.4.2016. godine



MINISTARSTVO FINANSIJA I TREZORA  
- n/r tajnika Ministarstva -

CENTRALNA HARMONIZACIJSKA JEDINICA BiH

**PREDMET:** Obavijest o zaključku Vijeća ministara BiH

Vijeće ministara Bosne i Hercegovine, na 53. sjednici održanoj 26.4.2016. godine, upoznao se s konsolidiranim izvještajem o sistemu finansijskog upravljanja i kontrole u institucijama Bosne i Hercegovine za 2015. godinu, kojeg je pripremila Centralna harmonizacijska jedinica Ministarstva finansija i trezora BiH, te s tim u vezi donijelo sljedeće zaključke:

- zadužuju se institucije Bosne i Hercegovine da ubrzaju realizaciju aktivnosti na uspostavljanju i razvoju kvalitete sistema finansijskog upravljanja i kontrole imenovanjem osoba zaduženih za finansijsko upravljanje i kontrolu i donošenjem Akcionih planova za uspostavljanje i razvoj finansijskog upravljanja i kontrole. Akcioni planovi trebaju se zasnivati na planiranim mjerama i preporukama iz Konsolidiranog izvještaja, a aktivnosti uskladiti sa Zakonom o finansiranju institucija Bosne i Hercegovine i važećim podzakonskim aktima kojima je regulirana oblast finansijskog upravljanja i kontrole u institucijama Bosne i Hercegovine;
- zadužuje se Centralna harmonizacijska jedinica da Godišnji konsolidirani izvještaj o sistemu finansijskog upravljanja i kontrole za 2015. godinu objavi na internet stranici Ministarstva finansija i trezora i o tome obavijesti sve institucije Bosne i Hercegovine, kao i o zaključcima Vijeća ministara Bosne i Hercegovine;
- zadužuje se Centralna harmonizacijska jedinica da Godišnji konsolidirani izvještaj o sistemu finansijskog upravljanja i kontrole za 2015. godinu dostavi Parlamentarnoj skupštini BiH.

O zaključku vas informiramo radi njegove provedbe.

S poštovanjem,



Broj: 05-07-1-1290-21/16  
Sarajevo, 27.4.2016. godine



BOSNA I HERCEGOVINA  
MINISTARSTVO FINANSIJA I TREZORA  
CENTRALNA HARMONIZACIJSKA JEDINICA

MINISTARSTVO FINANSIJA I TREZORA  
- n/r tajnika Ministarstva -

Broj: 05-07-1-1290-21/16	Broj: 05. 2016.	Broj: 05. 2016.	Broj: 05. 2016.
05-07-1-1290-21/16	16-7	36-33/16	

CENTRALNA HARMONIZACIJSKA JEDINICA BiH

PREDMET: Obavijest o zaključku Vijeća ministara BiH

Vijeće ministara Bosne i Hercegovine, na 53. sjednici održanoj 26.4.2016. godine, upoznalo se s Godišnjim konsolidiranim izvještajem interne revizije za 2015. godinu kojeg je pripremila Centralna harmonizacijska jedinica Ministarstva finansija i trezor, te s tim u vezi donijelo sljedeće zaključke:

- zadužuje se Centralna harmonizacijska jedinica da nastavi pružati podršku institucijama koje uspostavljaju jedinice unutrašnje revizije, kako bi se uspostavila operativna i funkcionalna struktura unutrašnje revizije u institucijama Bosne i Hercegovine;
- zadužuju se institucije Bosne i Hercegovine koje su u obavezi da uspostave jedinice unutrašnje revizije da u što kraćem roku poduzmu sve potrebne radnje vezano za izmjene pravilnika o unutrašnjoj organizaciji, osiguranje sredstava i provođenje procedura za upošljavanje unutrašnjih revizora, kako bi se okončala procedura uspostave i popunjavanja jedinica unutrašnje revizije u institucijama Bosne i Hercegovine, u skladu sa zaključcima Vijeća ministara Bosne i Hercegovine;
- zadužuju se rukovodioci jedinica unutrašnje revizije i rukovodioci institucija kojima se pruža usluga unutrašnje revizije da intenziviraju saradnju na unaprijeđenju sistema unutrašnje revizije u cilju realizacije zaključaka Vijeća ministara Bosne i Hercegovine i realizacije preporuka unutrašnje revizije.

O zaključku vas informiramo radi njegove provedbe.

S poštovanjem,

GENERALNI TAJNIK  
Zvonimir Kuleša